

摘藻堂四庫全書薈要

史部

欽定四庫全書薈要卷八千四百四十七

史部

國語卷九

吳韋昭注

晉語三

惠公入而背外內之賂。

惠公獻公庶子重耳之弟惠公夷吾也外秦內里丕也

與

人誦之。

與衆也不歌曰誦

曰佞之見佞果喪其田。

偽善為佞佞謂里丕受惠

公賂田而納之見佞謂惠公入而不予也果猶竟也喪亡也

詐之見詐果喪其賂。

詐謂

秦以詐立惠公不置德而置服也見詐謂惠公入而背之

得國而徂終逢其咎。

謂惠公也

狃伏也咎謂敗於韓

喪田不懲禍亂其興

謂丕鄭也不得田不懲艾復欲與秦共納重耳

惠公既里丕死

既已也惠公二年春殺里克秋殺丕鄭

禍公隕於韓

禍謂貪恠

之禍也秦伐晉戰於韓獲惠公以歸隕其師徒在魯僖十五年

郭偃曰善哉夫眾口禍

福之門也

偃晉大夫善與人之誦豫知之故曰眾口禍福之門

是以君子省眾而

動行也

監戒而謀謀度而行

監察也度揆也察眾口故以為戒謀事揆義乃行

無不濟內謀外度考省不倦

考校也

日考而習戒備畢矣

日自考省習而行之戒備之道畢於是矣

惠公即位出共世子而改葬之臭達於外

共世子申生也獻公時申

生莫不如禮故改葬之惠公烝於獻公夫人賈君故申
生與達於外不欲為無禮者所葬也唐以賈君為申生
妃非也傳曰獻國人誦之曰貞之無報也孰是人斯而
公娶於賈無子

有是臭也

賈唐云貞正也謂惠公欲以正禮改葬世子而不獲吉報也孰誰也斯斯世子也誰使是

人有是臭者言惠公使之也或云貞謂申生與下相違似非也貞為不聽以正葬之而不見聽也

信為不誠

信心行之不見誠也國斯無刑刑法也言惠公偷竊居位

微幸而生不更厥貞大命其傾不變更其正大命將傾傾危也威兮懷兮威

也懷思也言國人畏惠公恩重耳也各聚爾有以待所歸兮爾有所有也猗兮

違兮心之哀兮

猗歎也違去也言民心欲去其土安土重遷故心哀之歲之二七

其靡有微兮

二七十四歲後也靡無也無有微者亦亡謂子圉也

若翟公子吾是

之依兮

謂重耳也

鎮撫國家為王妃兮

言重耳當霸諸侯為王妃偶

郭偃

曰甚哉善之難也

難難為也

君改葬共君以為榮也而惡滋

章夫人美於中必播於外而越於民民實戴之

美善也播布也

越揚也戴欣戴也言有善於中心必播於外揚於民也

惡亦如之故行不可不慎

也必或知之

或知下民必知其善否也

十四年君之冢嗣其替乎

冢嗣

太子也替滅也

其數告於民矣

數謂二七也

公子重耳其入乎其魄

兆於民矣

魄形也兆見也

若入必伯諸侯以見天子其光耿於

民矣

耿猶照也

數言之紀也

謂言者紀其數也

魄意之術也

意民之志術道

也魄兆見而民志隨之

光明之耀也紀言以叙之

叙述也

述意以導之

導開導也

明耀以照之不至何待欲先導者行乎

先導謂重耳導引者

可行也將至矣

惠公既殺里克而悔之曰芮也使寡人過殺我社稷之

鎮

芮冀芮也鎮重也

郭偃聞之曰不謀而諫者冀芮也

不先為君謀而

諫使君殺里克者冀芮也

不圖而殺者君也

言不與人謀而殺里克者君之過也

不謀

而諫不忠不圖而殺不祥不忠受君之罰

言君當加罰也

不祥

懼天之禍受君之罰死戮

戮辱也言死且有辱

懼天之禍無後

無後

嗣也志道者勿忘將及矣

志識也及至也勿忘此占言禍將至也

及文公入

大公重耳也秦人殺冀芮而施之

冀芮既納文公而悔將殺之文公知之潛會秦伯於

王城冀芮焚公宮求公不得遂如河上秦伯誘而殺之陳尸曰施

惠公既即位乃背秦賂使丕鄭聘于秦且謝之

謝不而時也

殺里克曰子殺二君與一大夫

二君奚齊卓子一大夫荀息也

為子君

者不亦難乎丕鄭如秦謝緩賂

緩遲也

乃謂穆公曰君厚

問以召呂甥卻稱冀芮而止之

問聘也謂報丕鄭之聘止留也

以師奉

公子重耳臣之屬內作晉君必出

屬七輿大夫也必出惠公必出奔也穆

公使泠至報問

泠至秦大夫也報問報丕鄭之聘且問遺呂甥之屬

且召三大夫

鄭也與客將事

客泠至也將事行聘事也

冀芮曰鄭之使薄而報厚

薄禮幣少也

其言我於秦也必使誘我弗殺必作難

不殺鄭必作難

於是故殺丕鄭及七輿大夫

七輿申生下軍之衆大夫也

共華賈華

叔堅騅欵纍虎特宮山祁皆里丕之黨也丕豹出奔秦

豹丕鄭之子

丕鄭之自秦反也而聞里克死見共華曰可以

入乎共華曰二三子皆在而不及

二三子七輿大夫也不及謂罪不及也

子使於秦可哉

人可也

以不鄭人君殺之共賜謂共華

共賜

華之族

晉大夫曰子行乎其及也

行去也其及將見及也

共華曰夫子之

入吾謀也將待及

言已誤不鄭將待禍及也

賜曰孰知之共華曰不

可知而背之不信謀而困人不知

謀不中為困

困而不死無

勇任大惡三行將安入

任荷也

子其行矣我姑待死

子共賜也

不鄭之子曰豹出奔秦謂穆公曰晉君大失其衆背君

賂殺里克而忌處者衆固不說

忌惡也處者國中大夫也

今又殺臣

之父及七輿大夫此其黨半國矣君若伐之其君必出

穆公曰失衆安能殺人

言晉君失衆馬能使衆殺爾父及七輿大夫

且夫禍

唯無斃

斃死也罪不至死則不為亂

足者不處

罪足以死則不處國

處者不足

處國者不足以死也

勝敗若化

化言轉化無常也猶丕鄭欲殺君君反殺之

以禍為違

孰能出君

違去也謂丕豹以禍故去其國誰能出君乎

爾俟我

俟待也待我圖之

晉饑

穀不熟曰饑在魯僖十三年

乞糴於秦丕豹曰晉君無禮於君

衆莫不知

無禮背賂也

往年有難今又荐饑

難謂殺里丕之黨仍饑曰荐

已失人又失天其殃也多矣

失人里克也失天荐饑也

君其伐之勿

予糴公曰寡人其君是惡其民何罪天殃流行國家代

有代更也補乏藁饑道也不可以廢道於天下藁進也謂公

孫枝曰予之乎枝子桑也公孫枝曰君有施於晉君晉君無

施於其衆今旱而聽於君其天道也聽聽命於君也君若弗予

而天子之予之年也苟衆不說其君之不報也則有辭矣苟使

晉衆不說惠公不報秦施今不予不如予之以說其衆

衆說必咎其君其君不聽然後誅焉雖欲禦我誰與是

故汎舟於河歸糴於晉汎浮也歸反之辭也秦饑公令河上輸

之粟河上所許秦五城也虢射曰弗予賂地而予之糴虢射晉大夫無

損於怨而厚於寇

厚猶強也

不若勿予公曰然慶鄭曰不可

慶鄭晉大夫

已賴其地而又愛其實

賴贏也實穀也

忘善而背德雖

我必擊之

我當秦處亦當擊晉

弗予必擊我公曰非鄭之所知也

遂不予六年秦歲定

惠公六年魯僖十五年定安也穀熟則民安

帥師侵晉

至於韓

韓晉地韓原也

公謂慶鄭曰秦寇深矣奈何

深入境深也一日深

猶重也

慶鄭曰君深其怨能淺其寇乎非鄭之所知也君

其訊射也

訊問也射號射也

公曰舅所病也

病短也諸侯謂異姓大夫曰舅

右慶鄭吉

右公戎車之右

公曰鄭也不孫

言不順不可以為車右

以家僕

徒為右

家僕徒

步揚御戎

步揚晉大夫御
御公戎車也

梁由靡御韓

簡

由靡晉大夫韓簡
晉卿韓萬之孫

虢射為右

為簡
車右

以承公

承次也
次公車

公

禦秦師令韓簡視師曰師少於我闞士眾

欲闞
者眾

公曰何

故簡曰以君之出也處已

已秦也處已
在梁依秦

入也煩已

為秦
所立

饑食其糴三施而無報故來今又擊之秦莫不愠

愠怒
也

晉莫不怠

受其施
而怠惰

闞士是故眾公曰然今我不擊歸必

狃

狃伏也
不擊而歸秦
必狃伏而輕我也

一夫不可狃况國乎公令韓簡

挑戰

先挑戰
求戰

曰昔君之惠寡人未之敢忘寡人有眾能

合之弗能離也

弗能離言衆欲戰也

君若還寡人之願也君若不

還寡人將無所避穆公衡雕戈出見使者

衡橫也雕鏤也戈戟也

曰昔君之未入寡人之憂也君入而列未成寡人未敢

忘

列位也

今君既定而列成君其整列寡人將身見

若云朝見

實欲戰也

客還公孫枝進諫曰昔君之不納公子重耳而納

晉君是君之不置德而置服也置而不遂擊而不勝

遂成

也其若為諸侯笑何君盍待之乎

待其亂將自斃也

穆公曰然

昔吾之不納公子重耳而納晉君是不置德而置服也

然公子重耳實不肯吾又奚言哉殺其內主

謂里不也

背其

外賂

外秦也

彼塞我施若無天乎云

云言也晉所行若言無有天也

若有

天吾必勝之

天道助順故必勝也

君揖大夫就車君鼓而進之晉

師潰戎馬濘而止

濘深泥也止戎馬陷焉

公號慶鄭曰載我

號呼也

慶鄭曰忘善而背德又廢吉卜

卜右慶鄭吉公廢不用

何我之載

鄭之車不足以辱君避也

避避難也

梁由靡御韓簡輅秦公

將止之

輅迎也

慶鄭曰釋來救君

釋舍也

亦不克救遂止於

秦

止獲也為秦所獲

穆公歸至于王城

王城秦地

合大夫而謀曰殺

晉君與逐出之與以之歸與復之孰利公子縶曰殺之

利

以為臣子絕望

逐之恐構諸侯

構交構也

以歸則國家多慮

慮惡也恐

知國家間隙之惡也

復之則君臣合作恐為君憂不若殺之公孫

枝曰不可耻大國之士於中原又殺其君以重之子思

報父之仇臣思報君之仇雖微秦國天下孰不患

微無也雖

無秦國天下諸侯有害人君父者誰不患疾也

公子縶曰吾豈將徒殺之

徒空也

吾將以公子重耳代之晉君之無道莫不聞公子重耳之仁莫不知戰勝大國武也殺無道而立有道仁也勝

無後害知也公孫枝曰耻一國之士又曰余納有道以

臨汝無乃不可乎

雖立有道君父之耻未刷

若不可必為諸侯笑戰

而笑諸侯不可謂武殺其弟而立其兄兄德我而忘其

親不可謂仁若勿忘是再施而不遂也不可謂知君曰

然則若何公孫枝曰不若以歸以要晉國之成

要結也成平也

復其君而質其適子使子父代處秦

代更也

國可以無害

是故歸惠公而質子圉

子圉惠公適子懷公也

秦始知河東之政

秦取河東之地而置官司故知河東之政在魯僖十五年

公在秦三月

內傳惠公以九月獲十一月歸

聞秦將成乃使卻乞告呂

甥

卻乞晉大夫呂甥瑕呂飴甥

呂甥教之言令國人於朝曰君使乞

告二三子曰秦將歸寡人寡人不足以辱社稷二三子

其改置以代圉也

欲令更命立它公子以代子圉言父子避位以感動羣下

且賞以

說衆衆皆哭焉作轅田

賈侍中云轅易也為易田之法衆以田易者易疆界也或云

轅車也以田出車賦昭謂此欲賞以說衆而言以田出車賦非也唐云讓肥取境也

呂甥致衆而

告之曰吾君慙焉其亡之不恤

亡謂在外恤憂也

而羣臣是憂

不亦惠乎

憂謂改立君賞羣臣作轅田也

君猶在外若何衆曰何為而

可何所施為呂甥曰以韓之病兵甲盡矣病敗也若征繕

以輔孺子以為君援征賦也言當賦稅以繕甲兵輔子圍以為君援雖四鄰之

聞之也喪君有君羣臣輯睦兵甲益多好我者勸惡我

者懼庶有益乎衆皆說焉作州兵二千五百家為州使州長各帥其屬繕甲

兵也呂甥逆君於秦穆公訊之訊問也曰晉國和乎對曰不

和公曰何故對曰其小人不念其君之罪而悼其父兄

子弟之死喪者謂韓之戰敗也不憚征繕以立孺子曰必報吾

仇寧事齊楚齊楚又交輔之交夾也其君子思其君且知

其罪曰必事秦有死無它故不和比其和之而求故久

公曰而無來吾固將歸君國謂君何對曰小人曰不免

君子則不公曰何故對曰小人忌而不思忌怨也不思

願從其君而與報秦君謂子是故云故言其君子則不

曰吾君之入也君之惠也能納之能執之則能釋之德

莫厚焉惠莫大焉納而不遂廢而不起以德為怨君其

不然秦君曰然乃改館晉君改更也初秦伯拘晉侯於靈臺將復之故更舍之於

館饋七牢焉牛羊豕為一牢繫餼七牢侯伯之禮也

公未至蛾析謂慶鄭

蛾析晉大夫

曰君之止子之罪也

止獲也

今君將來于何俟慶鄭曰鄭也聞之曰軍敗死之將止

死之二者不行又重之以誤人而喪其君

誤人誤梁山靡令君見獲

也有大罪三將安適

適之也

君若來將待刑以快君志君

若不來將獨伐秦

獨帥其屬也

不得君必死之此所以待也

所以

不去待為此也

臣得其志

志謂出奔也

而使君嘗是犯也

嘗輕也犯犯逆也

君行犯猶失其國而况臣乎公至于絳郊聞慶鄭止使

家僕徒召之曰鄭也有罪猶在乎慶鄭曰臣怨君始入

而報德不降

不自降下而背秦也

降而聽諫不戰

慶鄭諫公使與秦耀若公降心

聽之可

以不戰戰而用良不敗

良善也卜右慶鄭吉不用又乘鄭小馬不用良馬故敗

既

敗而誅又失其罪

若鄭出亡是失有罪

不可以封國

不可以守臣封國也

是以待即刑以成君政君曰刑之慶鄭曰下有直言臣

之行也

行道也

上有直刑君之明也

言刑殺得正此人君之明也

臣行

君明國之利也君雖弗刑必自殺也蛾析諫曰臣聞之

奔刑之臣

奔趨也

不若赦之以報仇

仇秦也

君益赦之以報

于秦梁由靡曰不可我能行之秦豈不能

能行之謂能赦罪以報仇

也秦豈獨不能乎

且戰不勝而報之以賊不武出戰不克入處

不安不知

出戰不克謂韓時也入處不安謂今也欲復伐秦故不得安也

成而反之不

信

成平也與秦始平而又反之不信

失刑亂政不威

有罪不殺為失刑失刑則政亂政亂

則威不行也

出不能用入不能治敗國且殺孺子

孺子子圍也秦復惠

公而質子圍君伐秦秦必殺之

不若刑之君曰斬鄭無使自殺家僕徒

曰有君不忌有臣死刑

忌怨也

其聞賢於刑之梁由靡曰

夫君政刑是以治民不聞命而擅進退犯政也

言慶鄭擅進退

快意喪君犯刑也鄭也賊而亂國不可失也且戰而自

退退而自殺臣得其志君失其刑後不可用也

不可復用戰也

君命司馬說刑之

司馬軍司馬說其名也

司馬說進三軍之士而

數慶鄭曰夫韓之誓曰失次犯令死

次行列也令軍令也

將止不

面夷死

將帥也止獲也夷傷也

偽言誤衆死今鄭失次犯令而罪

一也鄭擅進退而罪二也女誤梁由靡使失秦公而罪

三也君親止女不面夷而罪四也鄭也就刑慶鄭曰說

三軍之士皆在

皆在此也

有人能坐待刑而不能面夷

言我能坐

待死而不能面夷乎怨君不用忠言忘善背德也

趣行事乎

趣司馬行其刑也

丁丑斬

慶鄭乃入絳十五年惠公卒懷公立

懷公子圉也魯僖二十二年自秦逃

歸秦乃召重耳於楚而納之晉人殺懷公於高梁

高梁晉地

而投重耳實為文公

國語卷九

謹案卷七第一頁前七行更為翼侯後十五年桓
叔之子莊伯伐翼按此十六字刊本誤脫據宋

本增

第二頁前七行大夫占兆刊本兆訛色據宋本改
第四頁前三行立以為夫人也刊本脫此句據宋

本增

第十六頁前二行左右異色刊本脫色字據宋本

增

欽定四庫全書

卷九第九頁前五行易者易疆界也刊本脫易者

二字據宋本增





總校官庶吉士臣張能照

校對官庶吉士臣戴心亨

校對官庶吉士臣翟槐

謄錄舉人臣陳紹貴

謄錄監生臣姚鍾英

欽定四庫全書薈要

史部

國語卷

十二

詳校官員外郎臣楊世綸



欽定四庫全書蒼要卷八千四百四十八

史部

國語卷十

吳 韋昭 注

晉語四

文公在翟十二年

文公晉獻公庶子重耳也避驪姬之難魯僖五年歲在大火自蒲奔翟至

十六年歲在壽星故在翟十二年

狐偃曰日吾來此也

狐偃文公翼子犯也日往日也

非以翟為榮可以成事也

榮樂也成事成反國之事

吾曰奔而易達

達至也

困而有資

資財也

休以擇利可以戾也

休息也戾定也今戾

久矣戾久將底

底止也

底著滯淫

著附也滯廢也淫久也

誰能興之

興起也

益速行乎吾不適齊楚避其遠也蓄力一紀可以

遠矣

蓄養也十二年歲星一周為一紀

齊侯長矣而欲親晉

齊侯桓公也長老也

是歲桓公為淮之會明年而卒

管仲沒矣多讒在側

沒終也讒謂易牙豎刁之屬

謀

而無正衷而思始

無正無正從也衷中也中道思其初時也

夫必追擇前言

求善以終

前言管仲忠善之言

厭邇逐遠遠人入服不為郵矣

邇近

也逐求也郵過也

會其季年可也

季末也勸使文公適齊會桓公季末之年可也

茲可

以親

茲此也

皆以為然乃行過五鹿乞食於野人

五鹿衛邑不見

禮故
乞食

野人舉塊以與之

塊璞也

公子怒將鞭之子犯曰天

賜也民以土服又何求焉

言明奉土以服公子

天事必象

必先有象

十

有二年必獲此土

後十二年必得五鹿

二三子志之

志識也

歲在壽

星及鷄尾其有此土乎

歲歲星也自軫十二度至氐四度為壽星之次自軫十七度至

軫十一度為鷄尾之次歲在壽星謂得理之歲魯僖二十

六年也後十一年歲在鷄尾必有此五鹿地也魯僖二十

十七年歲在鷄尾二十八年歲復在壽星晉文公伐衛

正月六日戊申取五鹿周正月夏十一月也正天時以

夏時故歲

天以命矣

命告也謂復於壽星必獲諸侯

復

歲

在鷄尾

命告也謂復於壽星必獲諸侯

復

在壽星謂魯僖二十八年也是歲四月文公敗楚師於

城濮合諸侯於踐土五月獻俘于王王策命之以為侯

伯故得天之道也

天之大數不過十二

由是始之

由從也從得塊始

有此

其以戊申乎

有此五鹿當以戊申日也

所以申土也

日以戊申戊上也申申廣土地

也

再拜稽首受而載之

拜天賜受塊而載之

遂適齊齊侯妻之甚

善焉

桓公以女妻之遇之甚善

有馬二十乘

四馬為乘八十匹也

將死於齊而

已矣曰民生安樂誰知其它桓公卒

在齊一年而桓公卒

孝公即

位

孝公桓公子昭也即位魯僖十八年

諸侯畔齊子犯知齊之不可以

動

動謂求反國也

而知文公之安齊而有終焉之志也欲行而

患之

患文公不肯去也與從者謀於桑下

從者趙衰之屬

蠶妾在焉

在桑

也上莫知其存在也妾告姜氏姜氏殺之殺之以滅口也時諸侯畔齊晉又欲

去恐孝而言於公子曰從者將以子行其聞之者吾已公怒

除之矣子必從之不可以貳貳疑也貳無成命疑則不成天命詩

云上帝臨女無貳爾心詩大雅大明之七章也上帝天也女謂武王也言天臨護女伐

紂必克無有疑心先王其知之矣貳將可乎言武王知天命不

下子去晉難而極於此極至也自子之行晉無寧歲民無

成君成定也謂奚齊卓子殺死惠公無親內外惡之天未喪晉無異公子同生九人

唯重耳在有晉國者非子而誰子其勉之上帝臨子矣貳必

有咎

天子不取故必有咎

公子曰吾不動矣必死於此姜曰不然

周詩曰莘莘征夫每懷靡及

詩小雅皇皇者華之首章也莘莘衆多也征行也懷

私為每懷言臣奉命當念在公每輒懷私將無所及

夙夜征行不遑啟處猶懼無

及

夙蚤也行道也皇暇也啓跪也處居也

况其順身縱欲懷安將何及矣

人不求及其能及乎

求及求及時也

日月不處人誰獲安西方

之書有之曰懷與安實疚大事

西方謂周也詩云誰將西歸又曰西方之人皆

謂周也安自安也疚病也

鄭詩云仲可懷也人之多言亦可畏也

鄭詩

風將仲子之卒章也仲祭仲也懷思也言雖欲從心思仲猶能畏人自止見可懷思可畏也

昔管敬

仲有言小妾聞之

敬仲夷
吾字也

曰畏威如疾民之上也

畏威
如畏

疾病此民
之上行

從懷如流民之上也

從心所思如水流
行此民之下行

見懷

思威民之中也

威畏也見可懷則思
可畏此民之中行

畏威如疾乃能威

民

言能畏上
乃能威下

威在民上弗畏有刑

能威民故在人上
不畏威則有刑罪

從

懷如流去威遠矣故謂之下

去威遠言不
能威民也

其在辟也吾

從中也

辟罪也弗畏有刑故
不在上下欲避罪故

云罪高
從中也

鄭詩之言吾其從

之

從其畏人
之多言也

此大夫管仲之所以紀綱齊國裨輔先君

而成霸者也子而棄之不亦難乎

裨補
也

齊國之政敗矣

晉之無道久矣從者之謀忠矣時日及矣公子幾矣

幾近

也言重耳得國時日近也

君國可以濟百姓而釋之者非人也

濟成也釋

也置敗不可處

敗謂齊也

時不可失忠不可棄懷不可從子必

速行吾聞晉之始封也

始封謂唐叔虞

歲在大火闕伯之星也

實紀商人

商殷也自氏五度至尾九度為大火之次闕伯陶唐氏之火正居於商丘祀大火死以配

食相土因之故商主大火實紀商之吉凶也

商之饗國三十一王

自湯至紂

瞽史

之記曰唐叔之世將如商數

瞽史知天道者

今未半也

自唐叔至惠公

十四世故曰未半

亂不長世

不長世亂當有平時也

公子唯子子必有晉

若何懷安公子弗聽姜與子犯謀醉而載之以行醒以

戈逐子犯曰若無所濟吾食舅氏之肉其知厭乎舅犯

走且對曰若無所濟余未知死所誰能與豺狼爭食

戰死

原野公子將走不暇豈能復與豺狼爭食我乎若克有成公子無亦晉之柔嘉

是以甘食無亦不亦也柔腕也嘉美也偃之肉腥臊將焉用之遂行

過衛衛文公有邢翟之虞不能禮焉

衛文公宣公之孫昭伯頑之子燬也

虞備也是歲魯僖十八年冬邢人翟人伐衛圍菟園文公師于訾婁以還之故不能禮焉

衛甯莊子言

於公莊子衛正卿穆仲甯之子甯速也曰夫禮國之紀也親民之結也

君親其親所以結善德之建也建立也言能善國無紀

不可以終民無結不可以固德無建不可以立此三者

君之所慎也今君棄之無乃不可乎晉公子善人也而

衛親也君不禮焉棄三德矣晉祖唐叔武王之子衛祖

德謂禮賓親臣故云君其圖之康叔文之昭也唐叔武

之穆也自祖以下一昭一穆故康周之大功在武謂始

定天天胙將在武族族嗣苟姬未絕周室而俾守天聚

者必武族也聚財武族唯晉實昌晉肩公子實德晉仍

衆也

無道仍重也天胙有德晉之守祀必公子也若復而脩其

德鎮撫其民必獲諸侯以討無禮君弗蚤圖衛而在討

小人是懼敢不盡心公弗聽自衛過曹曹共公亦不禮

焉共公曹昭公之子曹伯襄也聞其解脅欲觀其狀解并也止其舍謀

其將浴設微薄而觀之謀侯也微薄也僖負羈之妻言於

負羈負羈曹大夫曰吾觀晉公子賢人也其從者皆國相也

以相一人必得晉國得晉國而討無禮曹其首誅也子

蓋蚤自貳焉貳猶別也僖負羈餽殮寘璧焉熟食曰殮寘置也置璧於殮下

公子受飧反璧負羈言於曹伯曰夫晉公子在此君之

匹也君不亦禮焉曹伯曰諸侯之亡公子其多矣誰不

過此亡者皆無禮者也余焉能盡禮焉對曰臣聞之愛

親明賢政之榦也榦榦也榦榦也禮賓矜窮禮之宗也宗本也禮以

紀政國之常也紀理也失常不立君所知也失常則政不立也國君

無親國以為親僚以官相親先君叔振出自文王文王子也

晉祖唐叔出自武王武王子也文武之功實建諸姬故二王

之嗣世不廢親今君棄之是不愛親也晉公子生十七

年而亡

亡奔也

卿材三人從之可謂賢矣

三人狐偃趙衰賈佗

而君

蔑之是不明賢也晉公子之亡不可不憐也比之賓客

不可不禮也失此二者是不禮賓不憐窮也守天之聚

將施於宜宜而不施聚必有闕

宜義也闕缺也

玉帛酒食猶糞

土也愛糞土以毀三常

三常政之榦禮之宗國之常也

失位而闕聚是

之不難無乃不可乎君其圖之公弗聽公子過宋

自曹適宋

與司馬公孫固相善

固宋莊公之孫大司馬固也相善相說好

公孫固言於

襄公曰晉公子亡長幼矣

襄公宋桓公子茲父也長幼從幼至長也

而好善

不厭父事狐偃師事趙衰而長事賈它

長兄事之

狐偃其舅

也而惠以有謀趙衰其先君之戎御趙夙之弟也而文

以忠貞

趙衰晉卿公明之少子成子衰也先君獻公戎御御戎車也傳曰趙夙御戎

賈它公

族也而多識以恭敬

賈它狐偃之子狐射姑大師賈季也公族姬姓也食邑於賈字季

此三人者實左右之公子居則下之動則咨焉成幼而

不倦

成幼自幼至成人也

殆有禮矣樹於有禮必有艾

樹種也艾報也

商

頌曰湯降不遲聖敬日躋

長發之三章也降下也躋升也言湯之尊賢下士甚疾故

其聖敬之道日升聞於天降有禮之謂也

降已於有禮也

君其圖之襄公從

之贈以馬二十乘公子過鄭鄭文公亦不禮焉

文公鄭厲公之

子捷叔詹諫曰臣聞之

叔詹鄭大夫

親有天

有天天所啓也

用前訓

前訓

先君之教

禮兄弟資窮困

資稟也

天所福也今晉公子有三胙

焉天將啓之

啓聞也

同姓不婚惡不殖也

殖蕃也

狐氏出自

唐叔

狐氏重耳外家與晉俱唐叔之後別在犬戎者

狐姬伯行之子也實生重

耳

伯行狐突字

成而雋才離違而得所

言成人而有雋才也違去也離禍去國舉

動得所

久約而無釁一也

釁瑕也

同出九人唯重耳在

同出同父

也離外之患而晉國不靖二也

靖治也

晉侯日載其怨外

內棄之

也載成

重耳日載其德狐趙謀之三也在周頌曰

天作高山大王荒之

天作之首章也作生也高山岐山也荒大也言天生此高山使與雲

兩大王則秩祀而尊大之

荒大之也大天所作可謂親有天矣晉鄭

兄弟也吾先君武公與晉文侯勦力一心股肱周室夾

輔平王

武公鄭桓公之子滑突也文侯晉穆侯之子仇也勦并也一同也

平王勞而德

之而賜之盟質曰世相起也

質信也起扶持也

若親有天獲三

胙者可謂大天

三胙謂成而雋才晉國不靖狐趙謀之也

若用前訓文侯之

功武公之業可謂前訓

業事也前訓二國同心之訓

若禮兄弟晉鄭

之親王之遺命可謂兄弟

晉鄭同姓王之遺命又使相起可謂兄弟

若資窮

困亡在長幼還軫諸侯可謂窮困

軫車後橫木也還軫猶回車周歷諸國遭

離阮

棄此四者以徼天禍無乃不可乎

徼要也四者有天前訓兄弟困

窮君其圖之弗聽叔詹曰若不禮焉則請殺之諺曰黍

稷無成不能為榮

稷梁也無成謂死也榮秀也

黍不為黍不能蕃庶

為成也蕃滋也庶豐也

稷不為稷不能蕃殖

殖長也

所生不疑唯德

之基

所生謂種黍得黍種稷得稷唯在所樹言禍福亦猶是也若不禮重耳則當除之不爾則宜厚之如

此不疑是為德基也

公弗聽遂如楚楚成王以周禮享之九獻庭

實旅百

成王楚武王之孫文王之子熊頤也九獻上公之享禮也庭實庭中之陳也百舉成數也周禮

上公出入五積饗餼九牢米百有二十宮醯醢百有二十鬯禾五十車芻薪倍禾

公子欲辭

不敢

當禮子犯曰天命也君其饗之

天命天使之也饗食也

亡人而國薦

之薦進也以國君之禮薦進之

非敵而君設之

非體敵而設之如人君也

非天誰

啟之心既饗楚子問於公子曰子若克復晉國何以報

我公子再拜稽首對曰子女玉帛則君有之

有之楚自多也子女

美女羽旄齒革則君地生焉

羽鳥羽也翡翠孔雀之屬旄旄牛尾也齒象牙也革

犀兕皮也皆生於楚

其波及晉國者君之餘也又何以報

波流王

曰雖然不穀願聞之

曲禮曰四夷之大國於境內自稱不穀

對曰若以君

之靈

靈神也

得復晉國晉楚治兵會於中原其避君三舍

治兵謂征伐也古者師行三十里而舍三舍為九十里司馬法曰進退不過三舍禮也

若不獲命

不獲楚還師之命

其左執鞭弭右屬橐鞬以與君周旋

鞭所以擊馬傳

曰雖鞭之長不及馬腹爾雅曰弓無緣者謂之弭橐鞬房鞬弓弣也言以禮避君君不旋乃敢左執弓右屬手

於房以取矢與君周旋相馳逐也

令尹子玉曰請殺晉公子

子玉楚若殺之魯孫

令尹成得臣也

弗殺而反晉國必懼楚師王曰不可楚師之懼

我不脩也

我德不脩也

我之不德殺之何為天之胙楚誰能

懼之楚不可胙冀州之土其無令君乎

晉在冀州

且晉公子

敏而有文

敏達也文有文辭也

約而不諂

在約困之中而辭不諂屈也

三材傅

之天胙之矣

謂狐趙賈三人也

天之所興誰能禦之子玉曰然

則請止狐偃

止謂留為質也

王曰不可曹詩曰彼己之子不遂

其媾郵之也

曹風候人之三章也媾厚也遂終也郵過也

夫郵而效之郵又

甚焉效郵非義也於是懷公自秦逃歸

懷公子圉也為質於秦于魯倍

二十二

年逃歸秦伯召公子於楚

秦伯穆公也

楚子厚幣以送公子

于秦秦伯歸女五人懷羸與焉

歸嫁也懷羸故子圉妻于圉逃歸立為懷公故

曰懷羸與焉
與為媵也

公子使奉匱沃盥既而揮之

婚禮嫡入于室媵御奉匱

盥揮也

羸怒曰秦晉匹也何以卑我

匹敵也卑賤也

公子懼降服

囚命

懼羸之詐降服徹上服囚命自囚以聽命也

秦伯見公子曰寡人之適

此為才

適適也子也

子圉之辱備嬪嬙焉

辱質於秦時嬪嬙婦官也

欲以

成婚而懼離其惡名非此則無故

言欲以成婚懼以子圉妻恐離其惡名

非有此則無他故

不敢以禮致之歡之故也

不敢以婚姻正禮致之而令與於五

人歡愛此

公子有辱寡人之罪

辱謂降服也言寡人備禮故令公子卑之此

自寡人之罪

唯命是聽

進退此女聽公子命

公子欲辭

嫌於骨肉相取已欲辭不取也

司空季子曰同姓為兄弟

季子晉大夫胥臣曰季也後為司空賈侍中云兄弟婚姻

之稱也昭謂同姓為兄弟謂同父而生德姓同者乃為兄弟以言惠公重耳其德不同則乎園道路之人可以

妻其妻黃帝之子二十五人其同姓者二人而已唯青陽

與夷鼓皆為己姓

其二人相與同德故俱為己姓青陽金天氏帝少昊也

青陽方

雷氏之甥也夷鼓彤魚氏之甥也

方雷西陵氏之姓也彤魚國名帝繫曰黃

帝取於西陵氏之子曰累祖實生青陽姊妹之子曰甥雷繫聲同

其同生而異姓者四

母之子別為十二姓凡黃帝之子二十五宗

唐尚書云繼別為小

宗非也繼別為大宗別子之庶孫乃為小宗耳其得姓者十四人為十二姓

得姓

以德居官而賜之姓也謂十四人
而二人為姬二人為己故十二姓
姬酉祁已滕歲任荀

僖姑儂依是也唯青陽與倉林氏同于黃帝故皆為姬

姓二十五宗唯青陽與倉林同德之難也如是言德自黃帝同

之難也德及黃帝同姓為姬也昔少典取于有蟯氏生黃帝炎帝賈侍中云少典黃帝之先

有蟯諸侯也炎帝神農也虞唐云少典黃帝炎帝之父昭謂神農三皇也在黃帝前黃帝滅炎帝滅其子孫耳

明非神農可知也言生者謂二帝本所生出也內傳耳高陽高辛氏各有才子八人謂其裔子耳賈君得之黃

帝以姬水成炎帝以姜水成姬姜水名也成謂所生長以成功也成而異

德故黃帝為姬炎帝為姜二帝用師以相濟也異德之

故也

濟當為擠擠滅也傳曰黃帝戰于阪泉是也

異姓則異德異德則異類

異類雖近男女相及以生民也

重耳懷嬴之舅故又言此以勸之也近謂有屬

名也相及相嫁取也

同姓則同德同德則同心同心則同志同志

雖遠男女不相及畏黷敬也

畏棄黷其類也

黷則生怨怨亂毓

灾灾毓滅姓

毓生也

是故取妻避其同姓畏亂灾也故異

德合姓同德合義

合姓合二姓為婚姻也合義以德義相親

義以道利

有義則利

隨利以阜姓

阜厚也

姓利相更成而不遷

更續也遷離散也

乃能

攝固保其土房

攝持也保守也房居也

今子於子圉道路之人也

言德姓 異也 取其所棄以濟大事不亦可乎公子謂子犯曰何

如對曰將奪其國何有於妻唯秦所命從也

言將奪其國何辭於

妻初奚齊卓子死秦伯欲納重耳子犯難之以為不可今更言此者子圉無道害重耳使狐突召子犯及其兄毛突不召而殺之故重耳子犯皆怨之 謂子餘曰何如子餘趙衰字 對曰禮志

有之曰將有請於人必先有入焉

必先有以自入也

欲人之愛已

也必先愛人欲人之從己也必先從人無德於人而求用

於人罪也

言不先施德於人而求人為己用者是罪也

今將婚媾以從秦

重婚媾

從從其命也

受好以愛之

受其所好而親愛之

聽從以德之

使之懼其未

可也又何疑焉乃歸女而納幣且逆之

歸女納幣更成婚禮逆親迎也

他日秦伯將饗公子公子使子犯從子犯曰吾不如衰

之文也

文文辭也

請使衰從乃使子餘從秦伯饗公子如饗國

君之禮子餘相如賓

詔相重耳如賓禮也

卒事秦伯謂其大夫曰為

禮而不終耻也

言此為明日將復燕

中不勝貌耻也

勝當為稱中不勝貌情貌相違

也華而不實耻也

有華色而無實事

不度而施耻也

不度己力施而施德

而不濟耻也

濟成也

耻門不閉吾可以封

五耻之門不閉塞者不可以封國為

也諸侯

非此用師則無所矣

非能閉此五耻之門則用師無所也

二三子敬乎

敬此五者明日燕秦伯賦采叔采叔五章屬小雅王賜諸侯命服之樂也其首章曰君子來朝

何錫予之雖無子餘使公子降拜降下秦伯降辭子餘曰予之路車乘馬

君以天子之命服命重耳重耳敢有安志敢不降拜成拜

卒登子餘使公子賦黍苗黍苗亦小雅道邵伯述職勞來諸侯也其詩曰芄芄黍苗陰雨

膏之悠悠南行邵伯勞之子餘曰重耳之印君也若黍苗之印陰雨也

若君實庇蔭膏澤之使能成嘉穀薦在宗廟君之力也

在宗廟為祭主君若昭先君之榮東行濟河整師以復疆周室重

耳之望也先君謂秦襄公討西戎有功賜爵為伯有榮耀也重耳若獲集德而歸

載

集成也
載祀也

使主晉民成封國其何實不從

言實從也

君若恣

志以用重耳

用使征伐也

四方諸侯其誰不惕惕以從君命秦

伯嘆曰是子將有焉豈專在寡人乎秦伯賦鳩飛

鳩飛小雅小宛

之首章曰宛彼鳴鳩翰飛戾天我心憂傷念昔先人明發不寐有懷二人言已念晉先君洎穆姬不寐以思安

集晉之君臣也詩序云文公遭驪姬之難未反而秦姬卒言已念傷亡人思成公子也

公子賦河

水

河當作沔字相似誤也其詩曰沔彼秦伯賦六月

六月

小雅道尹吉甫佐宣王征伐復文武之業其詩云王于出征以匡王國其二章曰以佐天子其三章曰共武之服以定王國此言重耳為君子餘使公子降拜秦伯降必霸諸侯以匡佐天子也

辭子餘曰君稱所以佐天子匡王國者以命重耳重耳

敢有惰心敢不從德

稱舉也

公子親筮之曰尚有晉國

曰

筮尚上也命筮之辭也禮曰臬子尚享之

得貞屯悔豫皆八也

內曰貞外曰悔震下坎上

屯坤下震上豫得此兩卦震在屯為貞在豫為悔八謂震兩陰爻在貞在悔皆不動故曰皆八謂爻無為也

筮史占之皆曰不吉

筮史筮人掌以三易辨九筮之名一夏連山二股歸藏三周易以連

山歸藏占此兩卦皆言不吉

閉而不通爻無為也

閉壅也震為動動遇坎坎為險阻閉

塞不通無所為也

司空季子曰吉是在周易皆利建侯

建立也

占之二卦皆吉也屯初九曰利建侯豫大象曰利建侯行師吉

不有晉國以輔王室安

能建侯我命筮曰尚有晉國筮告我曰利建侯得國之

務也吉孰大焉務猶趨也震車也易坤為大車震為動為雷今云車者車亦動聲象雷

其為小坎水也坤土也屯厚也豫樂也車班外內順以

訓之車震也班徧也徧外內者謂屯之內有震豫之外亦有震坤順也豫內為坤屯二與四亦為坤泉

原以資之資財也屯三至五豫二至四皆有艮象豫三至五有坎象艮山坎水水在山上為泉源流

而不竭也土厚而樂其實不有晉國何以當之屯豫皆有坤象重坤故厚

豫為樂當應也震雷也車也坎勞也水也眾也易以坤為眾坎為水水亦眾之

云類故主雷與車內為主也而尚水與眾坎象皆在上車有震

武也

震威也車聲軒隆象有威武

衆而順文也

坤為衆為順為文象有文德為衆所歸

文武具厚之至也故曰屯

屯厚也

其繇曰元亨利貞勿用

有攸往利建侯

繇卦辭也亨通也貞正也攸所也往之也小人勿用有所之君子則利建侯行

師

主震雷長也故曰元

內為主震為長男為雷雷為諸侯故曰元元善之長也

衆

而順嘉也故曰亨

嘉善也衆順服善故曰亨亨嘉之會也

內有震雷故利

貞

屯內有震賈侍中云震以動之利也侯以正國貞也利義之和也貞事之幹也

車上水下必

伯

車震也水坎也車動而上威也水動而下順也有威而衆從故必伯也

小事不濟壅也

故曰勿用有攸往

濟成也小事小人之事壅震動而一遇坎坎為險阻故曰勿用有所往

夫之行也

一夫一人也易曰震一索而得男故曰一夫又曰震為足故為行也

衆順而有

武威故曰利建侯

覆迷上事

坤母也震長男也母老子強故

曰豫

豫樂也

其繇曰利建侯行師居樂出威之謂也

居樂母在

內也出威震在外也居樂故利建侯出威故利行師

是二者得國之卦也

二者屯豫也

十月惠公卒十二月秦伯納公子

內傳魯僖二十三年九月晉惠公卒而此

云十月賈侍中以為閏餘十八閏在十二月後魯失閏以閏月為正月晉以九月為十月而置閏也秦伯以十

二月始納公子公子以二

及河子犯授公子載璧

載祀也授

也還曰臣從君還軫巡於天下惡其多矣

巡行

臣猶知之

而况君乎不忍其死請由此亡

亡奔也

公子曰所不與舅

氏同心者有如河水沈璧以質

如往也質信也言若不與舅氏同心不濟此河

往而死也因沈璧以自誓為信

董因迎公於河

因晉大夫周太史辛有之後也傳曰辛有之二

子董之晉故晉有董史

公問焉曰吾其濟乎對曰歲在大梁將集

天行元年始受實沈之星也

歲在大梁謂魯僖二十三年歲星在大梁之次也集

成也行道也言公將成天道也公以辰出晉祖唐叔所以封也而以參入晉星也元年謂文公即位之年魯僖

二十四年歲星去大梁在實沈之次受受於大梁也自胃七度至畢十一度為大梁自畢十二度至東井十五

度曰實沈實沈之虛晉人是居所以興也

虛次也是居居其分次所主祀也傳

曰高辛氏有季子曰實沈遷于大夏主祀參唐人是因
成王滅唐而封叔虞南有晉水子變改為晉侯故參為
星晉今君當之無不濟矣當歲星在實沈之虛故無不成君之行也歲在

大火大火闕伯之星也是謂大辰

君之行謂魯僖五年重耳出奔時歲在大

大火大火大辰也傳曰高辛氏有子曰闕伯遷于商丘祀大火

辰以成善后稷是相唐

叔以封

成善謂辰為農祥周先后稷之所經緯以成善道相視也謂祀農祥以成農事封者唐叔封時

歲在大火 瞽史記曰嗣續其祖如穀之滋必有晉國

史記云唐叔之

世將如商數今言嗣續其祖明趣同也言晉子孫將繼續其先祖如穀之蕃滋故必有晉國

臣筮之

得泰之八

乾下坤上泰過泰無動爻筮為侯泰三至五震為侯陰爻不動其數皆八故得泰之八與

貞屯悔豫 皆八義同 曰是謂天地配亨小往大來 陽下陰升故曰配亨小諭子圍

大諭文公陰在外為小往陽在內為大來 今及之矣何不濟之有且以辰出

而以參入皆晉祥也 辰大火也參伐也 而天之

所以大紀天時也傳曰大火為大辰伐亦為大辰辰時也 濟且秉成必霸諸侯 秉執也

子孫賴之君無懼矣公子濟河召令狐白衰桑泉皆降

三者皆晉邑 晉人懼懷公奔高梁 高梁晉地 呂甥冀芮帥師

甲午軍于廬柳 甲午魯僖二十四年二月六日廬柳晉地軍猶屯也 秦伯使公子

繫如師 告曉呂冀 師退次于郕 郕鄭地退師聽命也 辛丑狐偃及秦晉

大夫盟于郟壬寅公入于晉師甲辰秦伯還秦伯送公于河上

公入而還丙午入于曲沃丁未入于絳即位于武宮戊申刺

懷公于高梁刺殺也

初獻公使寺人勃鞞伐公於蒲城勃鞞寺人披也伐蒲城在魯僖五年文

公踰垣勃鞞斬其袿袿袿也及入勃鞞求見公辭焉曰驪

姬之讒爾射子于屏內樹謂之屏禮諸侯內屏困子于蒲城斬子

衣袿又為惠公從子于涓濱濱涯也重耳在翟從翟君獵于涓濱勃鞞為惠公就

殺命曰三日若宿而至命使三日一宿而至若汝也若干二命以求

殺予

干犯也二命
獻惠之命

予於伯楚屢困何舊怨也

伯楚勃鞞
字也屢數

也數見用有
何舊怨也

退而思之異日見我對曰吾以君為已知

之矣故入

知為君為臣之
道也入反國也

猶未之知又將出矣

猶未知
之將復

失國出
走也

事君不貳是謂臣好惡不易是謂君

易反

君君

臣臣是謂明訓

訓教

明訓能終民之主也二君之世蒲

人翟人予何有焉

當獻惠之世君為蒲人翟人耳二君
之所惡也于我何義而不殺君乎

除君之惡唯力所及何貳之有今君即位其無蒲翟乎

獨無有所畏惡
如蒲翟者乎

伊尹放太甲而卒以為明王

太甲湯孫
太丁子也

不明而伊尹放之桐宮三年大管仲賊桓公而卒以為
甲改過伊尹復之卒為明王

侯伯

賊謂為子糾射桓公也

乾時之役申孫之矢集于桓鉤

乾時之戰

在魯莊九年申孫

矢名鉤帶鉤也

鉤近於袪而無怨言

近害近也鉤在腹袪在手

佐

相以終克成令名今君之德宇何不寬裕也

宇覆也

惡其

所好其能久矣

言已忠臣君所當好而反惡之能久為君乎

君實不能明訓

而棄民主

棄為民主上之近

子臯戾之人也又何患焉

勃觀闔士故曰臯戾

之且不見我君其無悔乎於是呂甥冀芮畏偏悔納公

謀作亂

此二子本惠公黨畏將以已

且焚公宮

已丑魯德二十

四年三月朔時
以為二月晦

公出救火而遂殺之伯楚知之故求見

公公懼遽見之

也 遽疾

曰豈不如女言然是吾惡心也

心惡

心惡謂
不怨也

吾請去之伯楚以呂卻之謀告公公懼乘駟自

下脫會秦伯于王城

駟傳也自從也下下道也脫會遁
行潛逃之言也王城秦河上邑

告之亂故及己丑公宮火二子求公不獲遂如河上秦

伯誘而殺之

文公之出也豎頭須守藏者也不從

豎文公內豎里鳧
須也公出不從竊

藏以逃盡用
以求納公

公入乃求見公辭焉以沐謂謁者曰沐則

心覆

謂告也覆反也沐
低頭故言心反也

心覆則圖反宜吾不得見也從者

為羈紲之僕

馬曰羈犬曰紲言
二者臣僕之役也

居者為社稷之守何必

臯居者國君而讎匹夫懼者衆矣謂者以告公遽見之

元年春公及夫人嬴氏至自王城

文公元年魯僖二十
四年賈侍中云是月

失閏以三月為四月故曰春而不言其月明四月為春
分之月也嬴氏秦穆公女文嬴也或云夫人辰嬴也傳

曰辰嬴賤班在九人
非夫人也賈得之

秦伯納衛三千人實紀綱之僕

所以

設國紀綱也為
之備衛僕使

公屬百官賦職任功

屬會也賦授也授
職事任有功也

棄責薄斂施舍分寡

棄責除宿責也施施德也
舍舍禁也分寡分少財也

救乏振

滯匡困資無

救乏救乏絕也振拯也拯淹滯之士匡正也正窮困之人資無予無財者

輕關

易道通商寬農

輕關輕其稅也易道除盜賊也通商利商旅也寬農寬其政不奪其時

懋

穡勸分省用足財

懋勉也勉稼穡也勸分勸有分無也省用減國用也足財備凶年也

利

器明德以厚民性

利器利器用也明德明德教也厚民性厚其情性

舉善援能

官方定物

方常也物事也立其常官以定百事

正名育類

正名正上下服位之名育長也

也類善

昭舊族

昭明也舊族舊臣有功者之族

愛親戚明賢良

明顯也

尊貴

寵

國之貴臣尊禮之

賞功勞事考老禮賓旅

旅客也

友故舊

故舊為公

也子時

胥籍狐箕樂郤柏先羊舌董韓實掌近官

十一族晉之舊

姓近官

朝廷者諸姬之良掌其中官

諸姬同姓也中官內官也

異姓之能掌

其遠官

遠官縣鄙也

公食貢大夫食邑士食田

受公田也

庶人食

力

各由其力

工商食官

工百工商官賈也周禮府藏皆有賈人以知物賈食官官稟之

早隸

食職

士臣卑卑臣與與臣隸食職各以其職大小食祿也

官宰食加

官宰家臣也加大夫之加

田也論語注原憲為家邑宰

政平民阜財用不匱

阜安也

冬襄王避昭叔之難居于鄭地汜

文公元年冬也襄王周惠王之子昭叔襄

王弟大叔帶也是為甘昭公故曰昭叔惠王生襄王以為大子又娶于陳曰惠后生昭叔惠后將立之未及而

卒昭叔奔齊襄王復之又通于襄王之后翟懼王廢隗氏翟人伐周故襄王避之于汜汜地名使來告

難亦使告于秦

王使簡師父告晉亦使左鄆父告秦

子犯曰民親而未知

義也

親親君也未知義故未和也

君盍納王以教之義

使知尊上之義

若不

納秦將納之則失周矣

失所以事周也

何以求諸侯

無以為諸侯盟主

不能修身而又不能宗人人將焉依

宗尊也

繼文之業定

武之功

文晉文侯仇也平王東遷文侯輔之受圭瓚桓魯武重耳之祖武公稱也始并晉國

啟土

安疆於此乎在矣君其務之

在此納王也

公說乃行賂于草

中之戎與麗土之翟以求東道

二邑戎翟間在晉東

二年春公以

二軍次于陽樊

二軍左右軍也東行曰下陽樊周邑

右師取昭叔于溫

殺之于隰城

溫隰城皆周地也昭叔通
翟后與俱處溫故取殺之

左師迎王于鄭

王入于成周遂定之于邲

成周周東都邲王城也

王饗醴命公胙

侑

饗設饗禮也傳曰戰克而王饗饗醴飲醴酒也命加
命服也胙賜祭肉也侑侑幣謂既食以束帛侑公

公請隧弗許

三君云隧王之葬禮昭
謂六隧之事見周語

曰王章也

章表也所以表

明天子與
諸侯異物

不可以二王

國無二王

無若政何

無以為政于下

賜公南

陽陽樊溫原州陘絺鉏欒茅之田

八邑周之南陽地

陽人不服

不肯屬晉

公圍之將殘其民倉葛呼曰

倉葛陽樊人

君補王闕以

順禮也

補王失位之關以順為臣之禮

陽人未狎君德

狎習也

而未敢承

命君將殘之無乃非禮乎陽有夏商之嗣典有周室之

師旅

典法也旅衆也言有夏商之後嗣及其遺法與周室之師衆

樊仲之官守焉

樊仲

宣王臣仲山甫也食采於樊

其非官守則皆王之父兄甥舅也君定

王室而殘其姻族民將焉放

放依也

敢私布之於吏

布陳也吏

軍吏唯君圖之公曰君子也乃出陽人

出降也

又公伐原

原不服故伐之

令以三日之糧三日而原不降公令疏軍而去

之疏微也

謀出曰原不過一二日矣

謀間候也

軍吏以告公曰

得原而失信何以使人夫信民之所庇也不可失也

庇陰

也乃去之及盟門而原請降

盟門原地也傳曰
還一舍而原降

文公立四年楚成王伐宋

四年魯僖二十七年冬也
宋背楚事晉故楚伐之

公

率齊秦伐曹衛以救宋

魯僖二十八年春晉侯侵曹伐
衛傳曰楚始得曹而又伐宋

宋人使門尹班告急於晉

門尹班
宋大夫

公告大夫曰宋人告急

舍之則宋絕

舍不救宋則宋
降楚與我絕也

告楚則不許我

告謂請宋
於楚楚不

許我我欲擊楚齊秦不欲其若之何先軫曰不若使齊秦

主楚怨

先軫晉中軍原軫也主楚怨為
怨主也謂激齊秦使之惡楚

公曰可乎先軫

曰使宋舍我而賂齊秦

使宋置晉
獨賂齊秦

藉之告楚

藉與齊秦
之勢使請

宋於楚 我分曹衛之地以賜宋人 楚愛曹衛必不許齊秦

齊秦本與晉俱伐曹衛今晉分其地楚必不許齊秦之請 齊秦不得其請必屬怨焉

屬結也 然後用之 蔑不欲矣 用用齊秦也 蔑無也 公說是故以曹田

衛田賜宋人 二十八年春衛侯欲與楚國人不欲故出其君以說于晉衛侯出居襄牛晉侯執曹

伯分曹衛之田以畀宋人 令尹子玉使宛春來告 宛春楚大夫 曰請復衛

侯而封曹臣亦釋宋之圍 釋解也 舅犯愠曰子玉無禮哉

君取一臣取二必擊之 愠怒也 臣子玉也 君文公也 二謂復曹衛一謂釋宋圍 先

軫曰子與之 與許也 我不許曹衛之請是不許釋宋也 宋

衆無乃彊乎

不許釋宋宋降于楚其衆益彊

是楚一言而有三施子一

言而有三怨

三曹衛宋也

怨已多矣難以擊人不若私許復

曹衛以攜之

攜離也

執宛春以怒楚

怒楚必戰令

既戰而後圖

之圖圖復曹衛

公說是故拘宛春於衛子玉釋宋圍從晉師

楚既陳晉師退舍軍吏請曰以君避臣辱也

時楚王避文公之德入於

申使子玉去宋子玉不肯固請戰故云避臣

且楚師老矣必敗何故還

老罷也圍

宋久輿師罷病

子犯曰二三子忘在楚乎

言在楚時偃也聞之許還三舍

戰鬪直為壯曲為老

若韓之戰秦師少而鬪士衆晉曲秦直故能敗晉

未報楚

惠而抗宋我曲楚直也抗救其衆莫不生氣不可謂老若

我以君避臣而不去彼亦曲矣退三舍避楚楚衆欲止

子玉不肯至于城濮果戰楚衆大敗城濮君子曰善以

德勸善先軫

文公誅觀狀以伐鄭反其埤賈侍中云鄭復效曹觀公

云誅曹觀狀之臯還而伐鄭昭省內外傳鄭無觀狀之事而叔詹云天禍鄭國使淫觀狀謂淫放於曹不禮公

子與觀狀之臯同耳反撥也埤城上鄭人以名寶行成

女垣僖三十年秋秦伯晉侯圍鄭名寶公弗許曰子我詹而師還詹鄭卿叔詹伯也文公

不聽因詹請往鄭伯弗許

鄭伯鄭文公也

詹固請曰一臣可以

赦百姓而定社稷君何愛於臣也鄭人以詹予晉人晉

人將亨之

亨煮也

詹曰臣願獲盡辭而死固所願也公聽

其辭詹曰天降鄭禍使淫觀狀棄禮違親

淫放也放曹國不禮於君

臣曰不可夫晉公子賢明其左右皆卿才若復其國而

得志於諸侯禍無赦矣今禍及矣尊明勝患知也

明謂公子

勝猶殺身贖國忠也乃就亨據鼎耳而疾號曰自今以

往知忠以事君者與詹同乃命弗殺厚為之禮而歸之

禮禮也鄭人以詹伯為將軍

晉國饑公問於箕鄭箕鄭晉大夫曰救饑何以對曰信公曰安

信對曰信於君心不以愛憎誣人信於名名百官尊卑之號

信於令信於事謂使民事各得其時公曰然則若何對曰信於君

心則美惡不踰不相踰越也信於名則上下不干干犯也信於

令則時無廢功不奪其時則有成功信於事則民從事有業業猶大也

於是乎民知君心貧而不懼藏出如入何匱之有出其節藏

以相振救如入于家故不乏也公使為箕為箕大夫及清原之蒐使佐新上

軍

清原之蒐在魯
僖三十一年秋

公問元帥於趙衰

元帥上卿

對曰郤穀可行年五十矣

郤穀晉大夫

夫行歷也

守學彌惇

彌益也
惇厚也

夫先王之法志德義之府也

志記

也夫德義生民之本也能惇篤者不忘百姓也請使郤

穀公從之公使趙衰為卿辭曰欒枝貞慎

枝晉大夫欒
共子之子貞

也先軫有謀胥臣多聞皆可以為輔臣弗若也乃使欒

枝將下軍先軫佐之

此述初耳在
城濮戰前也

取五廐先軫之謀也

五廐衛地

郤穀卒使先軫代之

從下軍之佐趙將
中軍傳曰尚德也

胥臣佐下

軍

代先軫也

公使原季為卿

原季趙衰也文公二年為原大夫御次卿也

辭曰夫三德者

偃之出也

偃狐偃也賈唐云三德樂毅先軫晉臣也皆狐偃所舉虞云三德為勳文公納襄王以示

臣義伐原以示信大蒐以示民禮故以三德紀民昭謂樂毅等皆趙衰所進非狐偃也三德紀民之語在下虞

之以德紀民其章大矣不可廢也

章著也使狐偃為卿辭

曰毛之知賢於臣其齒又長

毛偃之兄也

毛也不在位不敢

聞命乃使狐毛將上軍狐偃佐之

尚助也上軍或言新上軍非也時未有新

軍傳曰使狐偃將上軍讓于狐毛而佐之是也

狐毛卒使趙衰代之

虞唐云代將新軍也

謂代將 辭曰城濮之役先且居之佐軍也善先且居先

城伯也後受霍為霍伯 軍代有賞代功 善君有賞能其官有賞以道

君賴其功當有賞能頌治其官職使不謬誤君得以尊氏得以寧當有賞也 且居有三賞不可廢

也言且居有三德得此 且臣之倫箕鄭胥嬰先都在倫伍

子晉乃使先且居將上軍代孫 公曰趙衰三讓三使為

之進樂枝等八人 其所讓皆社稷之衛也廢讓是廢德也以趙

衰之故蒐于清原作五軍清原晉地晉土有上軍有中

也使趙衰將新上軍箕鄭佐之胥嬰將新下軍先都佐

之子犯卒蒲城伯請佐

或云蒲城伯狐毛也賈侍中云蒲城伯先且居也昭謂上章狐

毛已卒使先且居代之賈得之矣

公曰趙衰三讓不失義義宜讓推賢

也義廣德也德廣賢至又何患矣請令衰也從子

先從且從

居乃使趙衰佐新上軍

此有新字誤也趙衰佐新上軍之將進佐上軍為升一等新上

軍之將位在上軍之佐下此二章或在狐毛卒上非也當在下

文公學讀書於白季三日

白季胥臣也

曰吾不能行也咫

咫咫

尺間也聞則多矣對曰然而多聞以待能者不猶愈乎

能使

者行之不猶愈於不學乎

文公問於郭偃

郭偃卜

曰始也吾以國為易

易易治也

今也

難對曰君以為易其難也將至矣

以為易而輕忽之故其難將至

君以

為難其易也將至矣

以為難而勤脩之故其易將至

文公問於胥臣曰吾欲使陽處父傳謹也而教誨之其

能善之乎

陽處夫晉大夫陽子也謹文公子襄公名

對曰是在謹也蘧蔭不

可使俛

蘧蔭直者

戚施不可使仰

戚施僂者

焦僈不可使舉

焦僈長三

尺不能

侏儒不可使援

侏儒短者不能抗援

矇矂不可使視

矇矂有眸子而

無見曰矇無

嚚瘖不可使言

口不道忠信之言為嚚瘖不能言者

聾聵

不可使聽

耳不別五聲之和曰聾生而聾曰聵

僮昏不可使謀

僮無知昏闇亂也

質將善而賢良贊之則濟可矣也

言質性將自善而賢良之傳贊導之則其

成就可立竝也

若有違質

違邪也

教將不入

不入其心

其何善之為

不言

能使善

臣聞昔者大任娠文王不變

娠有身也不變不動也

少溶于

豕牢而得文王不加病焉

少小也溶便也豕牢廁也言大任之生文王時如小溶於

廁而得文王不加病痛言其易也

文王在母不憂

在母孕時體不變故不憂也

在傅

弗勤處師弗煩事王不怒

奉事父王季使不加怒

孝友二號

善兄弟為

友二號文王弟號仲號叔也

而惠慈二蔡

惠愛也三君云二蔡文王子管叔初亦為蔡

刑

于大姒刑法也大姒文王妃比于諸弟比親也諸弟同宗之弟詩云刑于寡

妻至于兄弟以御于家邦詩大雅思齊之二章寡妻寡德之妻謂大姒御治也於

是乎用四方之賢良以自輔也及其即位也詢于八虞詢謀賈

唐云八虞周八士皆在虞官伯達伯适仲突仲忽叔夜叔夏季隨季騶而咨于二虢咨謀也

度於闕天而謀於南宮皆周賢臣度亦謀也南宮南宮詠於蔡原而

訪於辛尹諷訪皆謀也蔡蔡公原原公辛辛甲尹尹佚皆周大史重之以周召畢

榮周周文公召召康公畢畢公榮榮公億寧百神億安也而柔和萬民柔安也

故詩曰惠于宗公神罔時恫亦思齊之二章也惠順也宗公大臣也洞痛也言文

王為政諮於大臣順而行
之故鬼神無怨痛之者

若是則文王非專教誨之力

也

言因體也

公曰然則教無益乎對曰胡為文益其質

言有美質

加以文

故人生而學非學不入

不入不入於道

公曰奈夫八疾

何

八疾至僮昏

對曰官師之所材也

師長也材古裁字

戚施直縛

直主擊縛

縶篠蒙瓊

蒙戴也瓊玉磬也

侏儒扶盧

扶緣

也盧矛戟之秘

矇矇脩聲

無目於音聲

聾聵司火

耳無聞於

視則審故

僮昏嚚瘖僂官師所不材也

所不能材用也

以實

裔土

裔荒裔也

夫教者因體能質而利之者也

能才也因其身體有質可

成濟者就而通利之

若川然有原以邛浦而後大

邛迎也言川有原因開利迎之

以浦然

後大也

文公即位二年

更言此者終述善文公之事

欲用其民

用用征伐也

子犯

曰民未知義

未知尊上之義

盍納天子以示之義

天子避子帶之難在鄭地

汜

乃納襄王于周公曰可矣乎對曰民未知信盍伐原

以示之信乃伐原

信謂上令以三日之糧糧盡不降命去之

曰可以乎對曰

民未知禮盍大蒐備師尚禮以示之

蒐所以明尊卑順少長習威儀也

乃大蒐于被廬

被廬晉地名

作三軍

唐尚書云立新軍之上下也昭謂此章言文公

之初未使卻縠將中軍以為大政大政謂掌國政也卻溱佐之

有新軍卻溱晉大夫卻至之先或云溱即至非也子犯曰可矣即可也遂伐曹衛在魯倍二

十八年出穀戍釋宋圍敗楚師於城濮於是乎遂伯穀齊地也

魯倍二十六年楚伐齊取穀使申公叔侯戍之二十七年楚圍宋晉伐曹衛以救之二十八年楚使申叔去穀

子玉去宋避晉畏其強也

國語卷十

欽定四庫全書蒼要卷八千四百四十九

史部

國語卷十一

吳 韋昭 注

晉語五

曰季使舍於冀野

白季晉臣也冀晉邑郊外曰野

冀缺耨其妻饁之

冀缺

郤成子也耨蒔也野饋曰饁詩云饁彼田畝

敬相待如賓

夫婦相敬如賓也

從而問

之冀芮之子也與之歸既復命而進之曰臣得賢人敢

以告文公曰其父有臯可乎

文公元年冀芮畏偁與呂卻謀弑公莒公宮秦伯殺

也之故

對曰國之良也滅其前惡

滅除也

是故舜之刑也殛

鯀其舉也興禹

殛誅也 鯀禹父

今君之所聞也齊桓親舉管敬

子其賊也

敬子管仲之諡

公曰子何以知其賢也對曰臣見其

不忘敬也夫敬德之恪也恪於德以臨事其何不濟公

見之使為下軍大夫

在文公時而於此言之者以襄公能繼父志用冀缺也傳曰襄公以

父命賞胥臣曰舉卻缺子之功也以一命命卻缺為卿復予之冀故云冀缺

陽處父如衛反過甯

處父晉太傅陽子也如衛聘衛也 在魯文五年甯晉邑今河內脩武

是舍於逆旅甯嬴氏

旅客也逆客而舍之也嬴其姓

嬴謂其妻曰吾求

君子久矣乃今得之舉而從之也舉起陽子道與之語及

山而還曰山河內溫山傳其妻曰子得所求而不從之何

其懷也也懷思曰吾見其兒而欲之聞其言而惡之夫兒

情之華也容見者情言兒之機也言語者容身為情情

於身成於中言身之文也言文而發之合而後行離則

有覺合謂情也兒也言也三今陽子之兒濟其言匱非

其實也濟成也言不副若中不濟而外彊之謂情不足

之其卒將復復反也反中外易矣易猶若外內類而言

反之瀆其信也

類善也瀆輕也

夫言以昭信奉之如機

如樞機之相應

歷時而發之

言思察之詳熟

胡可瀆也今陽子之情謹矣

謹辨察也

以濟蓋也

濟成也成其容免以蓋其短也

且剛而主能

主上也言性剛直而高尚其材

能不本而犯怨之所聚也

不本行不本仁義也犯犯人也

吾懼未獲其利

而及其難是故去之期年乃有賈季之難陽子死之

賈季

晉大夫狐偃之子射姑也食采于賈字季它唐尚書云

晉蒐于夷舍二軍昭謂初晉作五軍魯文五年晉四卿

卒至六年晉蒐于夷舍二軍復成國之制狐射姑將中軍趙盾佐之陽子至自溫改蒐于董使趙盾將中軍射

姑佐之射姑怨陽子之易其班也使狐鞠居殺陽處父而奔翟

趙宣子言韓獻子於靈公以為司馬

宣子晉正卿趙衰之子宣孟盾也獻

子韓萬之玄孫子與之子厥也靈公襄公子夷聿也司馬掌軍大夫

河曲之後

河曲晉地魯文十二

年秦伐晉戰于河曲

趙孟使人以其乘車干行

趙孟宣子也干犯也行軍列也

獻

子執而戮之衆咸曰韓厥必不沒矣

沒終也

其主朝升之

而莫戮其車

其主人車車僕也獻子同趙盾以為主盾升之于公朝莫喻也

其誰安

之宣子名而禮之曰吾聞事君者比而不黨

比比義也阿私曰黨

夫周以舉義比也

忠信曰周

舉以其私黨也夫軍事無犯犯

而不隱義也

任公為義

吾言汝於君懼汝不能也舉而不能

黨孰大焉事君而黨吾何以從政吾故以是觀汝

觀汝能否

汝勉之苟從是行也

勉之始終其志是行今所行也

臨長晉國者非汝

其誰

臨監也長帥也

皆告諸大夫曰二三子可以賀我矣吾舉

厥也而中吾乃今知免於罪矣

宋人殺昭公

宋人宋成公之子文公鮑也昭公鮑之兄杵臼也殺昭公在魯大十六年

趙宣

子請師於靈公以伐宋公曰非晉國之急也對曰大者

天地其次君臣所以為明訓也

言尊卑各得其所所以明教訓也

今宋

人殺其君是反天地而逆民則也

則法也

天必誅焉晉為

盟主而不脩天罰

脩行也

將懼及焉公許之乃發令于太

廟召軍吏而戒樂正

正長也軍吏主師旅樂正主鐘鼓

令三軍之鐘鼓

必備趙同曰國有大役

役事也趙同盾弟晉大夫原同也

不鎮撫民而

備鐘鼓何也宣子曰大罪伐之小罪憚之

憚懼也

襲侵之

事陵也

輕曰襲無鐘鼓曰侵陵以大陵小也

是故伐備鐘鼓聲其罪也

以聲

章其戰以錙于丁寧儆其民也

錙于形如碓頭與鼓角相和丁寧謂鉦也敬戒

也唐尚書云錙于錡也非也錡與錙于各異物襲侵密聲為整事也

整其無備今宋

人殺其君罪莫大焉明聲之猶恐其不聞也吾備鐘鼓

為君故也

為欲尊明君道也

乃使旁告於諸侯治兵振旅鳴鐘

鼓以至於宋

振奮也伐宋在魯文公十七年

靈公虐趙宣子驟諫

虐厚斂以雕牆支解宰夫之屬

公患之

患疾也

使鉏

麇賊之

鉏麇力士賊殺也

晨往則寢門辟矣

辟開也

盛服將朝蚤

而假寐

不脫冠帶而寐曰假寐

麇邊歎而言曰趙孟敬哉

言夙興敬恪也

夫不忘恭敬社稷之鎮也

鎮重也

賊國之鎮不忠受命而

廢之不信享一名於此不若死

享受也殺之為不忠不殺為不信故得一名也

觸庭之槐而死

廷外朝之廷也周禮王之外朝三槐三公位焉則諸侯之朝三槐三卿位焉

靈公將殺趙盾不克

魯宣二年秋晉侯欽趙盾酒伏甲將攻之盾覺而走故不克

趙

穿攻公於桃園

趙穿晉大夫趙風之孫趙盾從父昆弟武子穿也桃園名

逆公子

黑鬻而立之寔為成公

逆迎也迎於周也黑鬻晉文公子襄公弟成公黑鬻也

卻獻子聘于齊

獻子晉卿卻缺之子克也聘在魯宣十七年

齊頃公使婦人

觀而笑之

卻子跛齊頃公帷婦人使觀之卻子將升婦人笑于房

卻獻子怒歸請

伐齊范武子逞自朝

武子晉正卿士會也

曰變乎吾聞之

變武子之子文

也子干人之怒必獲毒焉夫卻子之怒甚矣不逞於齊必

發諸晉國

逞快也不快心以伐齊必發怒於晉國

不得政何以逞怒

得政為政

也 余將致政焉以成其怒也歸無以內易外也爾勉從

二三子以承君命唯敬二子晉諸卿也承奉也乃老乃告老也

范文子莫退於朝武子曰何莫也對曰有秦客廋辭於

朝廋隱也謂以隱伏諂諛之言問於朝也東方朔曰非敢試之乃與為隱耳是也大夫莫之能

對也吾知三焉解其三事武子怒曰大夫非不能也讓父兄

也父兄長也爾童子何知而三掩人於朝掩蓋也吾不在晉

國亡無日矣擊之以杖折委笄委委兒冠也笄簪也靡笄之役韓

獻子將斬人靡笄齊山名魯成二年晉卻克伐齊從齊師於靡笄之下戰于鞍獻子時為司馬將

斬人以戮罪
在可赦之者
卻獻子駕將救之至則既斬之矣
卻獻子

請以徇其僕曰子不將救之乎
獻子曰敢不分謗乎
欲言

與韓子分謗共非也言能如此故從事不乘

靡笄之役卻獻子傷
傷於矢也傳曰流血及屨未絕鼓音
曰余病喙
喙短氣兒

張侯御曰三軍之心在此車矣
張侯晉大夫解張也在此車謂車進則進車退

也則還其耳目在於旗鼓
耳聽鼓音目視旗表
車無還表鼓無還聲

表旌旗也車表鼓音進還異數
軍事集矣
集成也
吾子忍之不可以言病

受命於廟
將行告廟受戒命也
受賑於社
賑宜社之內盛以蠶器
甲冑而效

死戎之政也

帶甲纓冑死而後
已此兵之常政

病未若死祇以解志

適祇

也

乃左并轡右援枹而鼓之馬逸不能止三軍從之

奔逸

也

齊師大敗逐之三周華不注之山

周西也華齊
地不注山名

靡笄之後卻獻子師勝而反范文子後入

文子時
佐上軍

武子

曰變乎女亦知吾望爾也乎

兵凶事文子後入
故武子憂望也

對曰夫

師卻子之師也

卻子請代齊
又為元帥

其事臧

臧善也謂
師有功

若先則

恐國人之屬耳目於我也故不敢

屬猶
注也

武子曰吾知免

矣

知免
於咎

靡笄之役卻獻子見公曰子之力也夫

也力功

對曰克也

以君命命三軍之士三軍之士用命克也何力之有焉

范文子見公曰子之力也夫對曰變也受命於中軍以

命上軍之士上軍之士用命變也何力之有焉欒武子

見武子晉卿欒枝之孫欒盾之子書也時將下軍

公曰子之力也夫對曰書也

受命於上軍以命下軍之士下軍之士用命書也何力

之有焉

靡笄之役也卻獻子伐齊齊侯來

齊侯來以靡笄之役故服而朝晉侯也在

魯成三年獻之以得隕命之禮

獻致饗也獻適豆之數如征伐所獲國君之獻禮也以得

言不得也伐國獲君若秦獲晉惠是為隕命今齊雖敗頃公不見得非隕命也故苗棼皇以卻克不知禮司馬

法曰其有隕命行禮如會所爭義不爭利也曰寡君使克也不腆敝邑之禮

為君之辱敢歸諸下執政以愨御人

歸饋也執政執事也愨願也御人婦

人也願以此報君御人之笑已者

苗棼皇曰卻子勇而不知禮

棼皇晉大夫楚

闞伯棼之子也矜其伐而恥國君

矜大也伐功也

其與幾何

言將不終命也

梁山崩

梁山晉望也崩在魯成五年

以傳召伯宗

傳驛也伯宗晉大夫孫伯糾之子

遇大車當道而覆

大車牛車也

立而辟之曰辟傳

辟使下道辟傳車

對曰傳為速也若埃吾辟之則加遲矣也加益不如捷而

行

旁出為捷

伯宗喜問其居曰絳人也

絳晉國都

伯宗曰何聞曰

梁山崩而以傳召伯宗伯宗問曰將若何對曰山有朽

壤而自崩將若何

朽腐也為而稱朽壤言避也

夫國主山川

為主

山川主也孔子曰夫顛史為東蒙主

故川涸山崩君為之降服出次

涸竭也川

竭則山崩降服編素也出次次於郊也

乘縵不舉策於上帝

縵車無文也

也策於上帝以簡策之文告於天也周禮四鎮五嶽崩命去樂

國三日哭以禮焉

以禮於神

也周禮國有大災三日哭

雖伯宗亦其如是而已其若之何問其名

不告請以見弗許

以見於君

伯宗及絳以告而從之

以車者之言告

君君從之

伯宗朝以喜歸

朝罷而歸有喜色

其妻曰子兒有喜何也曰吾

言於朝諸大夫皆謂我知似陽子

知辨智也陽子慶父也

對曰陽

子華而不實主言而無謀也

主尚也

是以難及其身子何喜

焉伯宗曰吾飲諸大夫酒而與之語爾試聽之曰諾既

飲其妻曰諸大夫莫子若也然而民不能戴其上久矣

戴奉也上賢也才在人上也

難必及子子盍亟索士愁庇州犁焉

亟疾

也索求也愁願也庇覆也
州犁伯宗子伯州犁也

得畢陽

畢陽晉士也

及欒弗忌之

難諸大夫害伯宗將謀而殺之

欒弗忌晉大夫伯宗之黨也三卻害弗忌故譜

伯宗并殺之在魯成十五年

畢陽實送州犁于荆

荆楚也犁奔楚為太宰

國語卷十一

欽定四庫全書薈要卷八千四百五十

史部

國語卷十二

吳 韋昭 注

晉語六

趙文子冠

文子趙盾之孫趙朔之子趙武也冠謂以士禮始冠

見欒武子武子曰

美哉

武子欒書也禮既冠奠贄于君遂以贄見于鄉大夫先生美哉美成人也

昔吾逮事莊

主

莊子趙朔之諡也大夫稱主趙朔嘗將下軍欒書佐之

華則榮矣實之不知請

務實乎

榮者有色兒也實之不知華而不實也

見中行宣子宣子曰美哉

宣子晉大夫中行惜也吾老矣

惜已年老不見文子德所至也

見范文

子文子范

文子曰而今可以戒矣夫賢者寵至而益戒

不足者為寵驕

知不足者得寵而驕

故興王賞諫臣逸王罰之吾

聞古之王者政德既成又聽於民

詢于芻蕘聽謗譽也

於是乎使

工誦諫於朝

工矇矇也誦誦讀前世箴諫之語

在列者獻詩使勿兇

列位

也謂公卿至於列士獻詩以風也兇惑也

風聽臚言於市

風采也臚傳也采聽商旅所傳善惡

之辨祆祥於謠

辨別也祆惡也祥善也謠丙之辰歷弧箕服之類是也

考百事

於朝百官職事問謗譽於路有邪而正之盡戒之術也

術道也

先王疾是驕也見卻駒伯駒伯曰美哉

駒伯晉卿
卻鉤也

然而

壯不若老者多矣

恃年
自矜

見韓獻子

獻子晉卿
韓厥也

獻子曰戒

之此謂成人成人在始與善始與善善進善不善蔑由至

矣蔑無也始與不善不善進不善善亦蔑由至矣如草木之

產也各以其物

物類也

人之有冠猶宮室之有牆屋也糞

除而已何又加焉

糞除諭
自脩潔

見知武子武子曰吾子勉之

武子晉卿荀首之子荀營也

成宣之後而老為大夫非恥乎

成成子
文子魯

祖趙衰也宣宣子文子祖父趙盾也言文子二賢之後長老乃為大夫非恥乎欲其脩德蚤為卿也

成子

之文宣子之忠其可忘乎夫成子道前志以佐先君道

法而卒以政可不謂文乎

道達也志記也佐助也先君文公也以政得政也

夫

宣子盡諫於襄靈

襄公文公也靈公父也

以諫取惡不憚死進也

可不謂忠乎吾子勉之有宣子之忠而納之以成子之

文事君必濟

濟成也

見苦成叔子

苦成叔子卻擊也

叔子曰抑年

少而執官者衆

執官為大夫也

吾安容子見溫季子

溫季子卻至也

子曰誰之不如可以求乎

言汝不如誰可以求其次不以其高也

見張老

而語之

張老晉大夫張孟也

張老曰善矣從欒伯之言可以滋

滋益也

也 范叔之教可以大韓子之戒可以成物備矣志在子

物事也人事以備能行與否在于之志也 若夫三郤亡人之言也何稱述焉

不足稱述 知子之道善矣道訓也 是先主覆露子也先主謂成宣也露潤

也

厲公將伐鄭

厲公晉景公之子州蒲也伐鄭鄭從楚故也在魯成十六年

范文子不

欲曰若以吾意諸侯皆畔則晉可為也為治也 唯有諸侯

故擾擾焉凡諸侯難之本也畔輒伐之故為難本 得鄭憂滋長安

用鄭楚必救之故憂益長 郤至曰然則王者多憂乎文子曰我王

者也乎哉

言俱諸侯也

夫王者成其德而遠人以其方賄歸

之故無憂

方所在之方賄財也

今我寡德而求王者之功故多憂

我晉也

子見無土而欲富者樂乎哉

無土求富行不得息

厲公六年伐鄭

六年魯成

且使苦成叔及樂厲與齊魯

之師

苦成叔即樂厲樂書之子桓子也即樂如齊樂厲如魯皆已非

楚恭王帥東夷

救鄭

恭王莊王之子也莊王作當東夷是東之友也

楚半陳陳公令擊之樂書曰

君使厲也與齊魯之師請侯之卻至曰不可楚師將還

我擊之必以勝歸

將還楚師也故可勝也

夫陳不違忌一間也

也忌謂晦也間隙也晦陰氣盡兵亦陰故忌之
經書六月甲午晦晉侯及楚子鄭伯戰于鄢陵
夫南夷

與楚來而弗與陳二間也南夷據在晉南也夫楚與鄭

陳而不與整三間也雖俱陳不整齊也且其士卒在陳而譁四

間也譁驚也夫衆聞譁則必懼五間也鄭將顧楚楚將顧

夷莫有鬪心不可失也公說於是敗楚師於鄢陵樂書

是以怨卻至怨其反己專其美也

鄢之戰卻至以韎韋之跗注三逐楚平王卒三君云一染曰韎鄭

後司農說以為韎茅蒐染也韎聲也昭謂茅蒐今絳草也急疾呼茅蒐成韎也凡染一八為源跗注兵服自要

以下注

見王必下奔

下下車奔走也

退戰王使工尹襄問之以

弓

工尹楚官襄其名問遺也

曰方事之殷

事戎事也殷盛也

有韎韐之跗注

君子也屬見不穀而下無乃傷乎

屬適也傷恐其傷也

郤至甲冑

而見客免冑而聽命

免脫也脫之為障耳

曰君之外臣至以寡君

之靈間蒙甲冑

蒙被也被介在甲冑之間

不敢當拜君命之辱為使

者故敢三肅之

禮軍事肅拜肅拜下手至地也

君子曰勇以知禮

禮軍禮也

鄢陵之役大夫欲爭鄭

與楚爭鄭

范文子不欲曰吾聞人臣

者能內睦而後圖外

睦親也

不睦內而圖外必有內爭盍姑

謀睦乎

也姑且

考訊其阜以出則怨靖

訊問也阜衆也靖安也言內且謀相

親愛乃考問百姓知其虛實然後出軍用師則怨惡自安息也

鄢陵之役晉伐鄭荆救之

也荆楚

大夫欲戰范文子不欲

曰吾聞君人者刑其民

以刑正其民

成而後振武於外

成平也

是以內和而外威

威畏也

今吾司寇之刀鋸日弊

刀鋸小人之刑

也弊敗也日敗用之數也

而斧鉞不行

斧鉞大刑也不行於大臣

內猶有不刑

而況外乎夫戰刑也

言用兵猶用刑也

刑之過也

刑殺有過者

過由

大而怨由細

怨望者由小細民也

故以惠誅怨

誅除也

以忍去

過忍以義斷也細無怨而大不過而後可以武刑外之不服

者今吾刑外乎大人外者刑不及而忍於小民忍行刑於小民將誰

行武武不行而勝幸也幸僥幸也幸以為政必有內憂且唯

聖人能無外患又無內憂距非聖人必偏而後可距猶自也

偏偏有一也偏而在外猶可救也在外外有患也疾自中起是難盍

姑釋荆與鄭以為外患乎釋置也

鄆陵之後晉伐鄭荆救之欒武子將上軍范文子將下

軍上下中軍之上下也傳曰欒書將中軍士變佐之又曰欒范以其族夾公行欒武子欲戰

范文子不欲曰吾聞之唯厚德者能受多福無德而服

者衆必自傷也

不義而強其弊必速

稱晉之德諸侯皆叛國可以

少安

稱副也副晉之德而為之宜諸侯皆叛不復征伐還自整備則國可以少安

唯有諸侯

故擾擾焉凡諸侯難之本也且唯聖人能無外患又無

內憂距非聖人不有外患必有內憂益姑釋荆與鄭以

為外患乎諸臣之內相與必將輯睦

不復征伐無所爭也

今我戰

又勝荆與鄭吾君將伐知而多力

力功也將自伐其知自多其功也

怠

教而重歛大其私暱而益婦人田

暱近也私近謂嬖臣也大謂增其祿也婦

人愛不奪諸大夫田則焉取以益此諸臣之委室而徒
妾也

退者將與幾人
徒空也與辭也
幾人言必多也戰若不勝則晉國之福

也戰若勝亂地之秩者也
亂地亂故地
也秩常也其產將害大盜

姑無戰乎
產生也言其生
變將害大臣欒武子曰昔韓之役惠公不

復舍
韓之役秦獲惠公
在魯僖十五年邲之役三軍不振旅
楚敗晉師
於邲在魯

宣十二年師敗衆散
故不能振旅而入箕之役先軫不復命
晉人敗翟於
箕先軫死之

故不反命於君在
魯僖三十三年晉國固有大恥三今我任晉國之政

任當也武子
時為上卿不損晉恥又以違蠻夷以重之
違避也蠻
夷楚也

雖有後患非吾所知也不能慮遠范文子曰擇福莫若重擇

禍莫若輕有二禍擇取其重福無所用輕禍無所用重

晉國固有大恥與其君臣不相聽以為諸侯笑也不相聽謂

惠公不與慶鄭相聽以殞於韓先殺不與林父相聽以敗于郊先軫不與襄公相聽以亡於箕盍姑以

違蠻夷為恥乎欒武子不聽遂與荆人戰於鄆陵大勝

之鄆陵鄭地於是乎君伐知而多力怠教而重斂大其私暱

殺三郤而尸諸朝三郤錡犇至也尸陳納其室以分婦

人納取也室妻妾貨賄也於是乎國人弗蠲蠲潔也遂殺諸翼

葬之翼東門之外以車一乘

翼故晉都匠麗氏也厲公侈多外嬖反自鄆陵欲盡

去羣大夫而立其左右欲以胥童夷羊午長魚矯為師故殺三卻長魚矯又以兵劫樂書中行偃將殺之公不

忍而復其位魯成十七年冬厲公游于匠麗氏樂書中行偃執公十八年正月使程滑殺公葬之以車一乘不

成厲公之所以死者唯無德而功烈多服者衆也

也烈業

者衆謂魯成十二年會于瑣澤敗狄于交剛十三年敗秦于麻隧十五年盟于戚會吳于鍾離十六年敗楚于

鄆陵會于柯陵伐鄭十七年同盟于柯陵

鄆陵之役荆厭晉軍

厭謂掩其不備也傳曰甲午晦楚晨厭晉軍而陳

軍吏患

之將謀

謀所以距扞

范匄自公族趨過之

匄范文子之子宣子也自公族為公

族大

曰夷竈堙井非邊而何

夷平也堙塞也使晉軍平塞井竈示必死不復飲食

非邊而何言楚必邊也傳曰塞井夷竈陳于軍中而疏行首是也

范文子執戈逐之曰

國之存亡天命也童子何知焉且不及而言姦也必為

戮

言義不及句而句言之是為有姦故必為戮

苗棼皇曰善逃難哉

文子欲句讓大

臣不掩蓋人是為避難

既邊荆師於鄢陵將穀

穀處其館食其穀也傳曰晉師三日

館范文子立於戎馬之前

公戎車馬前也

曰君幼弱諸臣不佞

佞才也吾何福以及此吾聞之天道無親唯德是授吾庸

知天之不授晉且以勸荆乎

庸用也馬用知天不先授晉以福使勝楚而以勸楚

脩德以君與二三臣其戒之也戒備夫德福之基也無德

而福隆猶無基而厚墉也其壞也無日矣隆盛也墉牆也

反自鄆范文子謂其宗祝宗宗人祝祝史也曰君驕泰而有烈

也烈功夫以德勝者猶懼失之而況驕泰乎君多私今以

勝歸私必昭私嬖臣妾也昭顯也昭私難必作寵私必去舊去舊必作難吾恐

及焉凡吾宗祝為我祈死也祈求先難為免免免於亂七年夏

范文子卒晉厲公七年魯成十七年冬難作始於三郤卒於公公殺三郤

樂中行畏
誅乃殺公

既戰獲王子發鉤

發鉤楚公子筏也
傳曰囚楚公子筏

樂書謂王子發鉤

曰子告君

使告
晉君

曰卻至使人勸王戰及齊魯之未至也

言勸楚王使與晉戰也晉乞師
於齊魯時尚未至言晉可敗也

且夫戰也微卻至王必

不免

微無也言卻至見王
必下趨故王得免

吾歸子

子告晉君如此
吾令子歸楚也

發鉤

告公公告樂書樂書曰臣固聞之

固久也

卻至欲為難使

苦成叔緩齊魯之師已勸君戰

已卻至也

戰敗將納孫周

孫周

悼公
周也

事不成故免楚王然戰而擅舍國君而受其問不

亦大罪乎

問謂
弓也

且今君若使之於周必見孫周公曰諾

樂書使人謂孫周曰郤至將往必見之郤至聘於周公

使覘之見孫周覘微視之是故使胥之昧與夷陽午刺郤至

苦成叔及郤錡胥之昧胥童也及夷陽午皆厲公嬖臣郤錡謂郤至曰君

不道於我我欲以吾宗與吾黨夾而攻之雖死必敗國

國敗君必危其可乎郤至曰不可至聞之武人不亂而勇

不義則知人不詐為詐則仁人不黨不羣黨也夫利君之富

富以聚黨利君寵祿以為富得富故有徒黨利黨以危君君之殺我也

後矣後晚也且衆何罪鈞之死不若聽君之命鈞等也等一死不欲

也為亂

是故皆自殺

傳曰三郤將謀於榭長魚矯以戈殺之言自殺取其不校自殺之道既

刺三郤藥書殺厲公乃納孫周而立之是為悼公

長魚矯既殺三郤乃脅藥中行

謂與胥童共脅之也脅切也藥藥書中行中行

偃

而言於公曰不殺此二子者憂必及君

言二子懼誅必將圖君

公曰一旦而尸三卿不可益也對曰臣聞之亂在內為

軌在外為姦禦軌以德禦姦以刑

禦止也以德以德綏之以刑謂誅除也

今治政而內亂不可謂德除鯁而避強不可謂刑

鯁害也

德刑不立姦軌並至臣脆弱弗能忍俟也乃犇翟三月

厲公殺

魯成十七年十二月長魚矯奔翟閏月
樂中行殺胥童十八年正月厲公殺

樂武子中行獻子圍公於匠麗氏

匠麗氏晉
嬖大夫也

乃召韓獻

子獻子辭曰殺君以求威非吾所能為也

求威求
立威也威行

為不仁事廢為不知

威行於君為不知
事廢不成為不知

享一利亦得一

惡非所務也昔者吾畜於趙氏

畜養也韓獻子
見成養於趙盾

孟姬之

讒吾能違兵

孟姬趙盾之子趙朔之妻晉景公姊也與
盾之弟樓嬰通嬰兄趙同括攷之姬諧同

括於景公景公殺之時獻子能違其兵難卒
存趙氏未可曾與殺君也在魯成十八年

人有言曰

殺老牛莫之敢尸而况君乎也

尸主

二三子不能事君安

用厥也中行偃欲伐之藥書曰不可其身果而辭順

果謂

敢行其志也

順無不行果無不徹

順者人從之故無不行果者志不疑故無不徹徹達

也犯順不祥伐果不克

克勝也

夫以果戾順行民不犯也

戾帥也以果敢帥順道而行之故民不犯

吾雖欲攻之其能乎乃止

國語卷十二

謹案卷十第七頁後二行趙夙之弟也刊本夙訛
氏據宋本改

第十頁後三行然則請止狐偃刊本脫然字據別
本增

第十頁後五行媯厚也遂終也刊本作媯厚于其
罪也據宋本改


第十八頁前八行郇鄭地刊本鄭訛晉據宋本改
第三十頁前一行若是則文王非專教誨之力也

刊本脫若字據宋本增

卷十一第一頁前六行卻成子也刊本成訛之據

宋本改





總校官庶吉士臣張能照

校對官庶吉士臣翟槐

騰錄監生臣姚鍾英